

## **Gemengewalen vum 8 Oktober 2017**

### **Aschreiwung vun den auslänneschen Matbierger op d'Wielerlëschten**

De Cefis hält un der Campagne deel fir déi auslännesch Matbierger ze sensibiliséieren sech op de Wallëschten fir d'Gemengewalen 2017 anzedroen.

Am Kader vun dëser Campagne organiséiert de Cefis eng « Formatioun fir Multiplikatoren ». D'Formatioun adresséiert sech u Léit déi gewëllt sinn aner Léit ze sensibiliséieren fir sech op d'Wielerlëschten anzeschreiwen.

#### Sënn an Zweck vun der Formatioun

D'auslännesch Matbierger hunn ënnert verschiddene Konditiounen d'Recht sech op d'Wielerlëschten anzeschreiwen fir d'Walrecht bei de Gemengewalen am Oktober 2017.

#### Wat ass ee Multiplikateur ?

Ee Multiplikateur ass eng Referenzpersoun a senger Communautéit, a senger Institutioun, vis-à-vis vun sengem Bekanntekrees. Hien ass d'Bindeglied tëscht senger respektiver Communautéit an der Lëtzebuerger Gesellschaft. Hien ass am direkte Kontakt mat de Leit a weess Bescheed iwwer aktuell sozial a politesch Erausforderungen an kennt sech och am Lëtzebuerger Walsystem aus.

Ee Multiplikaer leed d'Informatiounen iwwer d'Gemengewalrecht am Kader vun Informatiounsveranstaltungen, vun Diskussiounen mat der Famill an am Bekanntekrees weider.

#### Objektiver

D'Zil vun der Formatioun ass et de Leit déi drun deelhuelen verschidde Kompetenzen mat op de Wee ze ginn :

- Bescheed ze wëssen iwwer déi gesetzlech Bedéngungen fir sech op d'Wielerlëschten fir d'Gemengewalen anzedroen
- Gemengekompetenzen ze kënnen an déi wichtegst dorënner fir d'Zilgrupp ze identifizéieren
- Iwwerzeegungsarbecht bei der Zilgrupp leeschten, fir dat dës Léit sech op d'Gemengewallëschten androen

#### Praktesch Informatiounen

D'Formatiounen fänken am Oktober 2016 un a gi bis Abrëll 2017 ofgehalen. All Formatioun dauert 2 mol 3 Stonnen a maximal 15 Léit kënnen un enger Formatioun deelhuelen.